

古文辭類纂評註

第四冊

奏議類上編三

古文辭類纂評註卷十三

桐城姚鼐纂集

述累世邊患

鼐錯言兵事書

鼐錯穎川人文帝拜爲太子家令是時匈奴數寇邊文帝發兵禦之錯遂言兵事

括前却是挑筆

跌出主句在將制巧拙

擇將是主眼

挈出三要

疏得地形凡六項地形又三要

之綱

含著器利含著卒習

臣聞漢興以來胡虜數入邊地小入則小利大入則大利高后時再入隴西攻城屠邑毆略畜產其後復入隴西殺吏卒大寇盜竊聞戰勝之威民氣百倍敗兵之卒沒世不復自高后以來隴西三困於匈奴矣民氣破傷亡有勝意今茲隴西之吏賴社稷之神靈奉陛下之明詔和輯士卒底厲其節起破傷之民以當乘勝之匈奴用少擊衆殺一王敗其衆而大有利非隴西之民有勇怯乃將吏之制巧拙異也故兵法曰有必勝之將無必勝之民由此觀之安邊境立功名在于良將不可不擇也臣又聞用兵臨戰合刃之急者三一日得地形二曰卒服習三曰器用利兵法曰丈五之溝漸車之水山林積石經川邱阜草木所在此步兵之地也車騎二不當一土山邱陵曼衍相屬平原曠野此車騎之地也步兵十不當一平陵相遠川谷居間仰高臨下此弓弩之地也短兵百不當一兩陳相近平地淺草可前可後此長戟之地也

疏卒服習

疏器用利

引兵法束
繳到擇將
主句
此著到中
國匈奴尚
未說到搏
戰

較論長技
總不出地
形卒習器
利三語中

劍楯三不當一。萑葦竹蕭。草木蒙龍。枝葉茂接。此矛鉞之地也。長戟二不當一。曲道相伏。險阨相薄。此劍楯之地也。弓弩三不當一。士不選練。卒不服習。起居不精。動靜不集。趨利弗及。避難不畢。前擊後解。與金鼓之音相失。此不習勒卒之過也。百不當十。兵不完利。與空手同。甲不堅密。與袒裼同。弩不可以及遠。與短兵同。射不能中。與亡矢同。中不能入。與亡鏃同。此將不省兵之禍也。五不當一。故兵法曰。器械不利。以其卒予敵也。卒不可用。以其將予敵也。將不知兵。以其主予敵也。君不擇將。以其國予敵也。四者國之至要也。臣又聞小大異形。強弱異勢。險易異備。夫卑身以事強。小國之形也。合小以攻大。敵國之形也。以蠻夷攻蠻夷。中國之形也。今匈奴地形技藝與中國異。上下山阪。出入溪澗。中國之馬弗與也。險道傾仄。且馳且射。中國之騎弗與也。風雨罷勞。飢渴不困。中國之人弗與也。此匈奴之長技也。若夫平原易地。輕車突騎。則匈奴之衆易撓亂也。勁弩長戟。射疏及遠。則匈奴之弓弗能格也。堅甲利刃。長短相雜。遊弩往來。什伍俱前。則匈奴之兵弗能當也。材官騶發。矢道同的。則匈奴之革笥木薦弗能支也。下馬地鬪。劍戟相接。去就相薄。則

漸拖出搏
戰勝勢

方略有兩
層險地用
降胡一也
坦地用我
兵二也

險夷兩勢
全篇歸宿
全局包羅

匈奴之足弗能給也。此中國之長技也。以此觀之。匈奴之長技三。中國之長技五。陛下又興數十萬之衆。以誅數萬之匈奴。衆寡之計。以十擊一之術也。雖然。兵凶器。戰危事也。以大爲小。以強爲弱。在俯仰之間耳。夫以人之死爭。勝跌而不振。則悔之亡及也。帝王之道。出于萬全。今降胡義渠蠻夷之屬。來歸誼者。其衆數千。飲食長技。與匈奴同。可賜之堅甲絮衣。勁弓利矢。益以邊郡之良騎。令明將能知其習俗和輯其心者。以陛下之明約將之。卽有險。以此當之。平地通道。則以輕車材官制之。兩軍相爲表裏。各用其長技。衡加之。以衆。此萬全之術也。傳曰。狂夫之言。而明主擇焉。臣錯愚陋。昧死上狂言。唯陛下財擇。

註釋

高后

高祖皇后呂雉也

隴西

漢郡。今甘肅狄道縣等地。

毆

同驅

不復

復。反也。招魂曰復。言雖沒也。魂不返乎故鄉也。

輯

同集

底

同砥

同

合刃

謂交兵

漸

音尖。浸也。

經川

常流之水也。

曼衍

相屬。曼延。猶連延也。

崔

音完。酈也。

蕭

音蒿。蕭也。

覆蔽

之貌

鏃

鐵把短矛也。

薄

逼也。

金鼓

金所以止衆。鼓所以進衆。

袒裼

肉相也。

鏃

矢鋒也。

省

視也。

笥

以皮作之。狀如鐙。音伺。

木薦

以木板作之。狀如楮。

給

謂相連也。

義渠

西戎之一種。在今甘肅慶陽縣地。

鼂錯論守邊備塞書

文論備邊
先就秦說

弊築塞置
戍摘看

提出戍邊
之苦

胡貉主揚
粵陪

威劫也

譴戍所謂
威劫也

提出用民
之術

轉到秦之
威劫

一語結秦
欲籌邊務
先論虜形

臣聞秦時北攻胡貉。築塞河上。南攻揚粵。置戍卒焉。其起兵而攻胡粵者。非以衛邊地而救民死也。貪戾而欲廣大也。故功未立而天下亂。且夫起兵而不知其勢。戰則爲人禽。屯則卒積死。夫胡貉之地。積陰之處也。木皮三寸。冰厚六尺。食肉而飲酪。其人密理。鳥獸毳毛。其性能寒。揚粵之地。少陰多陽。其人疏理。鳥獸希毛。其性能暑。秦之戍卒。不能其水土。戍者死於邊。輸者償於道。秦民見行。如往棄市。因以譴發之名曰譴戍。先發吏有譴及贅壻賈人。後以嘗有市籍者。又後以大父母父母嘗有市籍者。後入閭取其左。發之不順行者。深恐有背叛之心。凡民守戰至死而不降北者。以計爲之也。故戰勝守固。則有拜爵之賞。攻城屠邑。則得其財鹵以富家室。故能使其衆蒙矢石。赴湯火。視死如生。今秦之發卒也。有萬死之害。而亡銖兩之報。死事之後。不得一算之復。天下明知禍烈及己也。陳勝行戍。至於大澤。爲天下先倡。天下從之如流水者。秦以威劫而行之之敝也。胡人衣食之業。不著於地。其勢易以擾亂邊境。何以明之。胡人食肉飲酪。衣皮毛。非有城郭田宅之歸居。如飛鳥走獸。於廣野美草甘水則止。草盡水竭則移。以是觀之。往來轉徙。時至時去。

次論虜情
即中行衛
律之術

常居字是
篇主

如此大反
秦之威劫

說到常居
之效如此

此胡人之生業。而中國之所以離南晦也。今使胡人數處轉牧行獵於塞下。或當燕代。或當上郡。北地隴西。以候備塞之卒。卒少則入。入不救。入不救一本作陛下不救則邊民絕望。而有降敵之心。救之少發。則不足。多發遠縣。纔至。則胡又已去。聚而不罷。爲費甚大。罷之則胡復入。如此連年。則中國貧苦而民不安矣。陛下幸憂邊境。遣將吏發卒以治塞。甚大惠也。然令遠方之卒守塞。一歲而更不知胡人之能。不如選常居者。家室田作。且以備之。以便爲之高城深塹。具藺石布渠答。復爲一城。其內城間百五十步要害之處。通川之道。調立城邑。毋下千家。爲中周虎落。先爲室屋。具田器。迺募罪人及免徒復作令居之。不足募以丁。奴婢贖罪。及輸奴婢欲以拜爵者。不足。乃募民之欲往者。皆賜高爵。復其家。予冬夏衣。廩食。能自給而止。郡縣之民。得買其爵以自增至卿。其亡夫若妻者。縣官買予之。人情非有匹敵。不能久安其處。塞下之民。祿利不厚。不可使久居危難之地。胡人入驅。而能止其所驅者。以其半予之。縣官爲贖其民。龜按此言能奪還胡所驅者。以半入官。以半予能奪還者。然畜產器物則遂予之。若內有人民。官又當以財贖之。不使竟爲奴。又不使奪還者失利也。師古解與句讀皆失之。如是則邑里相救助。赴胡不避死。非以德上也。欲全親戚而利其財也。此與東方

兜繳更成
之失
并挽秦事
篇法密

接前篇來
插下吏字
伏後擇邊
吏聞一段
補前篇安
插事宜前
但統言室
屋田作此
目細條其節

之戍卒不習地勢而心畏胡者功相萬也以陛下之時徙民實邊使遠方亡屯戍之事塞下之民父子相保亡係虜之患利施後世名稱聖明其與秦之行怨民相去遠矣

註釋

揚粵

漢書註揚州之南粵也

密理

謂其肌肉密也

毳

音翠細毛也

疏理

謂其肌肉粗疎也

憤

音奮也

烈

猛火也

財鹵鹵

與

擄通搜獲也謂擄獲其財物也

陳勝

字涉秦二世時始發難者

大澤

見賈生過秦論中

燕代上郡

並見司馬子長漢興以來諸侯年表序

北地

漢郡今甘肅

肅環縣東南

隴西

見言兵事書

蘭石

城上雷石也

渠答

鐵蒺藜也

虎落

以竹蔑相連遮落之也

行怨民

言使怨恨之人使行戍役也

鼂錯論募民徙塞下書

陛下幸募民相徙以實塞下使屯戍之事益省輸將之費益寡甚大惠也下吏誠能稱厚惠奉明法存卹所徙之老弱善遇其壯士和輯其心而勿侵刻使先至者安樂而不思故鄉則貧民相慕而勸往矣臣聞古之徙遠方以實廣虛也相其陰陽之和嘗其水泉之味審其土地之宜觀其草木之饒然後營邑立城制里割宅通田作之道正阡陌之界先爲築室家有一堂二內門戶之閉置器物焉民至有所居作有所用此民所以輕去故鄉而勸之新邑也爲置醫巫以救疾病以修祭祀男女有昏生死相卹墳墓相從種樹畜長

臣又聞一篇
段補前篇
前但泛言
城連虎落
此詳具什
伍選練諸
法

脫卸到擇
吏應前吏
字作小結
出立威作
大結

暗領粟字
畜積多寡
是貴粟與

室屋完安。此所以使民樂其處而有長居之心也。臣又聞古之制邊縣以備敵也。使五家爲伍。伍有長。十長一里。里有假士。四里一連。連有假五百。十連一邑。邑有假侯。皆擇其邑之賢材。有諳習地形。知民心者。居則習民於射法。出則教民於應敵。故卒伍成於內。則軍政定於外。服習以成。勿命遷徙。幼則同遊。長則共事。夜戰聲相知。則足以相救。晝戰目相見。則足以相識。謹愛之心。足以相死。如此而勸以厚賞。威以重罰。則前死不還踵矣。所徙之民。非壯有材力。但費衣糧不可用也。雖有材力。不得良吏。猶亡功也。陛下絕匈奴。不與和親。臣竊意其冬來南也。壹大治。則終身創矣。欲立威者。始於折膠。來而不能困。使得氣去。後未易服也。愚臣亡識。唯陛下財察。

註釋

將

送也

二內

二房也

之往

昏

謂婚姻配合也

假五百

五百帥名。假讀假借之假。古者戍皆有期。代則不置。故曰假。謂其權設猶假司馬之類。

得氣去

言得勝逞氣志而去也。

亦非常置也

還踵

還讀曰旋。旋踵者。謂回旋其足也。

折膠

秋氣至。膠可折。弓弩可用。匈奴常以爲候而出軍也。

得氣去

言得勝逞氣志而去也。

鼂錯論貴粟疏

鼂按錯傳言守邊備塞勸民力本一事。然則此篇與臣聞秦時一篇同時上也。漢書以入食貨。故傳不載。亦可證賈生長太息之一在食貨志內。爲孟堅所分析爾。

聖王在上而民不凍饑者。非能耕而食之。織而衣之也。爲開其資財之道也。故堯禹有九年之水。湯有七年之旱。而國亡捐瘠者。以畜積多而備先具也。

不貴之驗

惟不貴之
故民多棄
農不務

因推不務
農之害至
於民輕背
去

撥轉爲貴
字起因

貴字對面
挑出

勒句落貴
粟字面其
作用在後

今海內爲一土地。人民之衆。不避湯禹。加以亡天災數年之水旱。而畜積未及者何也。地有餘利。民有餘力。生穀之士未盡墾。山澤之利未盡出也。游食之民未盡歸農也。民貧則姦邪生。貧生於不足。不足生於不農。不農則不地著。不地著則離鄉輕家。民如鳥獸。雖有高城深池。嚴法重刑。猶不能禁也。夫寒之於衣。不待輕煖。饑之於食。不待甘旨。饑寒至身。不顧廉恥。人情一日不食。則饑。終歲不製衣。則寒。夫腹饑不得食。膚寒不得衣。雖慈母不能保其子。君安能以有其民哉。明主知其然也。故務民於農桑。薄賦斂。廣畜積。以實倉廩。備水旱。故民可得而有也。民者。在上所以牧之。趨利如水走下。四方亡擇也。夫珠玉金銀。饑不可食。寒不可衣。然而衆貴之者。以上用之故也。其爲物輕微易藏。在於把握。可以周海內而亡饑寒之患。此令臣輕背其主。而民易去其鄉。盜賊有所勸。亡逃者得輕資也。粟米布帛。生於地。長於時。聚於力。非可一日成也。數石之重。中人弗勝。不爲奸邪所利。一日弗得而饑寒至。是故明君貴五穀而賤金玉。今農夫五口之家。其服役者不下二人。其能耕者不過百畝。百畝之收。不過百石。春耕夏耘。秋穫冬藏。伐薪樵。治官府。給徭役。

以上痛陳
民苦雖貴
之而人猶
畏就况反
是乎

以上備陳
賈豪雖賤
之而人猶
樂趨况反
是乎

至此落貴
粟作用賞
爵以粟則
粟爲主而
金錢爲奴
篇主在此

三勸筆勸
農爲主

春不得避風塵。夏不得避暑熱。秋不得避陰雨。冬不得避寒凍。四時之間。亡日休息。又私自送往迎來。弔死問疾。養孤長幼在其中。勤苦如此。尙復被水旱之災。急政暴虐。賦斂不時。朝令而暮改。當其有者。半賈而賣。亡者取倍稱之息。於是有賣田宅鬻子孫以償債者矣。而商賈大者積貯倍息。小者坐列販賣。操其奇贏。日遊都市。乘上之急。所賣必倍。故其男不耕耘。女不蠶織。衣必文采。食必粱肉。亡農夫之苦。有仟佰之得。因其富厚。交通王侯。力過吏勢。以利相傾。千里遊敖。冠蓋相望。乘堅策肥。履絲曳縞。此商人所以兼并農人。農人所以流亡者也。今法律賤商人。商人已富貴矣。尊農夫。農夫已貧賤矣。故俗之所貴。主之所賤也。吏之所卑。法之所尊也。上下相反。奸惡乖迕。而欲國富法立。不可得也。方今之務。莫若使民務農而已矣。欲民務農。在於貴粟。貴粟之道。在於使民以粟爲賞罰。今募天下入粟縣官。得以拜爵。得以除罪。如此。富人有爵。農人有錢。粟有所滫。夫能入粟以受爵。皆有餘者也。取於有餘。以供上用。則貧民之賦可損。所謂損有餘。補不足。令出而民利者也。順於民心。所補者三。一曰主用足。二曰民賦少。三曰勸農功。今令民有車騎馬一

武備且然
而況食乎
正見入粟
之有例可
援而爲功
更倍

直從猛獸
邊說入以
人作影對
正諫處著
語非泛常
諫獵作曲
幹連轉

匹者復卒三人車騎者天下武備也故爲復卒神農之教曰有石城十仞湯池百步帶甲百萬而亡粟弗能守也是觀之粟者王者大用政之本務令民入粟受爵至五大夫以上迺復一人耳此其與騎馬之功相去遠矣爵者上之所擅出於口而無窮粟者民之所種生於地而不乏夫得高爵與免罪人之所甚欲也使天下入粟於邊以受爵免罪不過三歲塞下之粟必多矣

註釋

不避

猶不讓也

奇贏

謂有餘財而畜聚奇異之物也

逆

音誤

深

音薛散也

五大夫

文帝從錯議令民入粟邊六百石爵上級第二等爵

也稍增至四千石爲五大夫第九等爵也萬二千石爲大庶長第十八等爵也各以多少級數有差

司馬長卿諫獵書

長卿名相如蜀郡人漢武帝時爲武騎常侍長楊狩獵帝每自擊熊羆逐野獸故相如上書諫之

臣聞物有同類而殊能者故力稱烏獲捷言慶忌勇期賁育臣之愚竊以爲人誠有之獸亦宜然今陛下好陵阻險射猛獸卒然遇軼材之獸駭不存之地犯屬車之清塵輿不及還轅人不暇施巧雖有烏獲逢蒙之伎力不得用枯木朽株盡爲害矣是胡越起於轂下而羌夷接軫也豈不殆哉雖萬全無患然本非天子之所宜近也且夫清道而後行中道而後馳猶時有銜轍之變而況涉乎蓬蒿馳乎邱墳前有利獸之樂而內無存變之意其爲害也不

東筆宕往
增態

結尤推開
進戒不獨
獸然也

曉析利害
文復鏘然
有金石聲

文機之活
如走盤珠
不可捉摸

難矣夫輕萬乘之重不以爲安樂出萬有一危之塗以爲娛臣竊爲陛下不
取蓋明者遠見於未萌而智者避危於無形禍固多藏於隱微而發於人之
所忽者也故鄙諺曰家累千金坐不垂堂此言雖小可以喻大臣願陛下留
意幸察

註釋

烏獲

秦武王力士能扛鼎

慶忌

吳王僚之子其走甚捷馬不能及

賁育

賁姓孟水行不避蛟龍陸行不避豺狼育姓夏亦猛士也

逢蒙

古善射者

逢音

軫車後

銜馬勒

櫛馬口長

衡也

淮南王諫伐閩越書

淮南王名安淮南厲王子也漢武帝因嚴助所請欲伐閩越王乃上書諫之見嚴助傳

陛下臨天下布德施惠緩刑罰薄賦斂哀鰥寡恤孤獨養耆老振匱乏盛德
上隆和澤下洽近者親附遠者懷德天下懾然人安其生自以沒身不見兵
革今聞有司舉兵將以誅越臣安竊爲陛下重之越方外之地勸髮文身之
民也不可以冠帶之國法度理也自三代之盛胡越不與受正朔非強弗能
服威弗能制也以爲不居之地不收之民不足以煩中國也故古者封內甸
服封外侯服侯衛賓服蠻夷要服戎狄荒服遠近異勢也自漢初定以來七
十二年吳越人相攻擊者不可勝數然天子未嘗舉兵而入其地也臣聞越

極細極幽
丹青家未
必能爾且
爲不知其
勢阻一案

反覆言以
中國而勞
蠻夷之意
應越人相
攻不可勝
數

淮南厲王
伐越伐秦
伐越分作
兩處用
讀此一段

非有城郭邑里也。處谿谷之間。篁竹之中。習於水鬪。便於用舟。地深昧而多水險。中國之人。不知其勢阻而入其地。雖百不當其一。得其地不可郡縣也。攻之不可暴取也。以地圖察其山川要塞。相去不過寸數。而間獨數百千里。險阻林叢。弗能盡著。視之若易。行之甚難。天下賴宗廟之靈。方內大甯。戴白之老。不見兵革。民得夫婦相守。父子相保。陛下之德也。越人名爲藩臣。貢酬之奉。不輸大內。一卒之用。不給上事。自相攻擊。而陛下發兵救之。是反以中國而勞蠻夷也。且越人愚戇輕薄。負約反覆。其不用天子之法度。非一日之積也。一不奉詔。舉兵誅之。臣恐後兵革無時得息也。間者數年。歲比不登。民待賣爵贅子以接衣食。賴陛下德澤賑救之。得毋轉死溝壑。四年不登。五年復蝗。民生未復。今發兵行數千里。資衣糧入越地。輿輜而踰領。柁舟而入水。行數百千里。夾以深林叢竹。水道上下擊石。林中多蝮蛇猛獸。夏月暑時。嘔泄霍亂之病。相隨屬也。曾未施兵接刃。死傷者必衆矣。前時南海王反。陛下先臣使將軍間忌將兵擊之。以其軍降。處之上淦。後復反。會天暑多雨。樓船卒水居擊櫂。未戰而疾死者過半。親老涕泣。孤子號號。破家散業。迎尸千里。

令人悲涕

證據

既示以輿圖又指以方略

然而一轉隨放隨收又括前視易行難一段

諫伐越而患言越之民

之外。裹骸骨而歸。悲哀之氣。數年不息。長老至今以爲記。曾未入其地。而禍已至此矣。臣聞軍旅之後。必有凶年。言民之各以其愁苦之氣。薄陰陽之和。感天地之精。而災氣爲之生也。陛下德配天地。明象日月。恩至禽獸。澤及草木。一人有飢寒。不終其天年而死者。爲之悽愴於心。今方內無狗吠之警。而使陛下甲卒。歸亡暴露。中原霑漬。山谷邊境之民。爲之早閉晏開。晷不及夕。臣安竊爲陛下重之。不習南方地形者。多以爲越人衆兵強。能難邊城。淮南全國之時。多爲邊吏。臣竊聞之。與中國異。限以高山。人迹所絕。車道不通。天地所以隔外內也。其入中國。必下領水。領水之山峭峻。漂石破舟。不可以大船載食糧下也。越人欲爲變。必先田餘千畝中。積食糧。迺入伐材治船。邊城守候誠謹。越人有入伐材者。輒收捕。焚其積聚。雖百越奈邊城何。且越人緜力薄材。不能陸戰。又無車騎弓弩之用。然而不可入者。以保地險。而中國之人。不能其水土也。臣聞越甲卒不下數十萬。所以入之。五倍乃足。輓車奉饌者。不在其中。南方暑溼。近夏瘴熱。暴露水居。蝮蛇蠱生。疾病多作。兵未血刃。而病死者什二三。雖舉越國而虜之。不足以償所亡。臣聞道路言閩越王弟

此後言用兵不如遣使

又轉一策文如御風

反覆開陳

又說用兵之害不止於破越而已

插入一番議論

甲弑而殺之。甲以誅死。其民未有所屬。陛下若欲來內處之中國。使重臣臨存。施德垂賞。以招致之。此必攜幼扶老。以歸聖德。若陛下無所用之。則繼其絕世。存其亡國。建其王侯。以爲畜越。此必委質爲藩臣。世共貢職。陛下以方寸之印。丈二之組。鎮撫方外。不勞一卒。不煩一戟。而威德並行。今以兵入其地。此必震恐。以有司爲欲屠滅之也。必雉兔逃入山林險阻。背而去之。則復相羣聚。留而守之。歷歲經年。則士卒罷倦。食糧乏絕。男子不得耕稼樹種。婦人不得紡績織紵。丁壯從軍。老弱轉餉。居者無食。行者無糧。民苦兵事。亡逃者必衆。隨而誅之。不可勝盡。盜賊必起。臣聞長老言。秦之時。嘗使尉屠睢擊越。又使監祿鑿渠通道。越人逃入深山林叢。不可得攻。留軍屯守空地。曠日持久。士卒勞倦。越乃出擊之。秦兵大破。迺發適戍以備之。當此之時。外內騷動。百姓靡敝。行者不還。往者莫反。皆不聊生。亡逃相從。羣爲盜賊。於是山東之難始興。此老子所謂師之所處。荆棘生之者也。兵者凶事。一方有急。四面皆從。臣恐變故之生。姦邪之作。由此始也。周易曰。高宗伐鬼方。三年而克之。鬼方小蠻夷。高宗殷之盛天子也。以盛天子伐小蠻夷。三年而後克。言用兵

婉切中
聽使動

聖德

結語出自
意表

之不可不重也。臣聞天子之兵有征而無戰。言莫敢校也。如使越人蒙死徼幸以逆執事之顏行。文穎曰：顏行猶雁行。鼎按：信陵君書請爲天下雁行。顏行者，相連而進。顏行，乃居前當鋒刃也。顏行者，顏者領額，居前行者若領然，與雁行義異。與之卒，有一不備而歸者，雖得越王之首，臣猶竊爲大漢羞之。陛下以四海爲境，九州爲家，八藪爲囿，江漢爲池，生民之屬皆爲臣妾，人徒之衆足以奉千官之共，租稅之收足以給乘輿之御，玩心神明，秉執聖道，負黼依馮玉几，南面而聽斷，號令天下，四海之內莫不嚮應。陛下垂德惠以覆露之，使元元之民安生樂業，則澤被萬世，傳之子孫，施之無窮。天下之安猶泰山而四維之也。夷狄之地何足以爲一日之閒，而煩汗馬之勞乎？詩云：王猶允塞，徐方既來。言王道甚大，而遠方懷之也。臣聞之，農夫勞而君子養焉，愚者言而智者擇焉。臣安幸得爲陛下守藩，以身爲障蔽，人臣之任也。邊境有警，愛身之死而不畢其愚，非忠臣也。臣安竊恐將吏之以十萬之師爲一使之任也。

註釋

懾安也越今廣東及安南境

重難也贊與翦同

封內甸服

封內謂封圻千里之內，甸服主治王田以供祭祀也。

封外侯服

封外千里之外也。侯，侯也。爲王者斥候也。

侯衛賓服

侯服之外，猶有衛服。賓，賓見于王也。侯衛二服同爲賓也。

蠻夷要服

又在侯衛之外，而居九州之內，要言文德要來。

之耳。要，平聲。

戎狄荒服

此在九州之外，荒言其荒忽絕遠，來去無常也。

隕領

險同隕領，山嶺也。

南海王

名織，南海，今廣東粵海道境。

先臣

厲王

長也

間忌淮南王傳作簡忌中尉將也

上塗

音耿奔之奔

譎

古唾字

鼂

古朝字

田餘千界

越邑今鄱陽縣

瘴

黃病也

畜越

猶言畜養也

委質

委其子以爲質也

尉

郡都尉

屠睢

姓屠名睢

監祿

監郡御史也名祿

老子

姓李名耳字伯陽諡聃著道德五千言

荆棘

荆灌木名棘如棗而多刺師之所處荆棘生之二語見老子道德經

高宗

伐鬼方

三年而克之

易既濟九三爻辭高宗名武丁鬼方按後漢書

通典

通考皆以爲西戎

八藪

謂魯有大野晉有大陸秦有楊汧宋有孟諸楚有雲夢吳越之間有具區齊有海隅鄭有圃田

王猶

允塞

徐方

既來

大雅常武之詩

猶道也

允信也塞滿也徐方徐國也在淮之北既盡也

嚴安言世務書

嚴安臨菑人漢武帝時安以故丞相史上書

臣聞鄒衍曰政教文質者所以云救也當時則用過則舍之有易則易之故

守一而不變者未睹治之至也今天下人民用財侈靡車馬衣裘宮室皆競

修飾調五聲使有節族雜五色使有文章重五味方丈於前以觀欲天下彼

民之情見美則願之是教民以侈也侈而無節則不可瞻民離本而徼末矣

末不可徒得故搢紳者不憚爲詐帶劍者夸殺人以矯奪而世不知媿故姦

軌浸長夫佳麗珍怪固順於耳目故養失而泰樂失而淫禮失而采教失而

僞僞采淫泰非所以範民之道也是以天下人民逐利無已犯法者衆臣願

爲民制度以防其淫使貧富不相耀以和其心心既和平其性恬安恬安不

自首至和之至也太史公削之究竟不可削